



**Ander
Lizarralde
Jimeno**

IRAKASLEA

Egunon ikasleak!
Zer moduz **zaudete?**
Gaur nahiz eta badugun
zeregin **dexente**
itxi liburu denak
ez orririk **bete...**
Honi buruz hitz egin
nahiko **nizueke:**

Begiratu Mikelen
eserleku **hutsa**
bera da orain dudan
kezka honen **funtsa**
aspaldi triste ditu
bihotz ta **gorputza**
uste dut behar dula
gu denon **laguntza**.

Gutxienez badira
bost edo sei **aste**
gelan falta ohi dena
agertzen den **beste**
zuek ere pentsatzen
ipini **zaitzete**
aspaldian zergatik
falta den **hainbeste...**

Agian da birus bat
hartu **duelako**
edo besterik gabe
alfertu **delako!**

IRAKASLEA

Ta izan al daiteke
zuen **usterako:**
gure artean ongi
ez **dagoelako?**



BEHAR DUENARI LAGUNDUZ



Doinua:

**Urzo xuri pollit bat A /
Lili bat ikusi dut I
Zortziko txikia**

IRAKASLEA

Ohartu egin zara
ta asko da **Beñat!**
Ez zaitzete gaizki
sentitu **erabat.**
Mikel poztu dezagun
ideia bat **daukat!**
Egingo al diogu
ongi **etorri bat?**

Mikel hola zaintzea
gauza ederra da
bi helburu beteko
baititugu **hara:**
Hobeto sentituko
zaigu **beharbada**
ta gu ere hobeto
sentituko **gara!**

Agian dago samin
ta minez **beteta**
jaso ez **duelako**
gu denon **arreta.**
Besteak ere gaude
harekin erreta
beti guri burlaka
aritzen da eta!

IRAKASLEA

Esaten duzuen
egia **izaki**
ez dizuet jarriko
hamaika **aitzaki**
zuekin egiten du
maiz akats **galanki**
baina beste inola
hurbiltzen ez **daki.**

Zein arazo dabilen
bere **bihotzean**
jakingo dugu bere
lekuan **jartzean**
ta zer gertatzen zaion
imajinatzean:
Agian arazoak
dituzte etxean...

Agian gurasoak
doaz **banatzera...**
Ama botako zuten
lanetik kalera...
Edo gaixorik dauka
anai edo **arriba...**
Zergatik utzi dugu
hain aparte bera?



Denoi ere, etxean gertatzen diren gauzek asko eragiten digute.

Gogoratzen al dugu etxeko gairen batengatik kanpoan lehertu ginen momenturen bat?